

Më  
Dana

21-03-2018

P.nr.241/2015

GJYKATA THEMELORE NË FERIZAJ, DEPARTAMENTI I PËRGJITHSHËM - DIVIZIONI PENAL, gjyqtari Adem Shabani, me asistentin Muedin Rexhepi, në çështjen penale kundër, [REDAKTUAR], nga fshati [REDAKTUAR] Komuna Ferizaj, i akuzuar me aktakuzën e Prokurorisë Themelore në Ferizaj PP/II.nr.733-2/14 të dt 16.02.2015, sipas së cilës e ka kryer veprën penale rrezikimi i trafikut publik nga neni 378 par pik 6 lidhur me par.1 të KPRK-së duke vendosur rreth kërkesës për dhënien e urdhërit ndëshkimor, pa e mbajtur shqyrtimin gjyqësor, më dt.22.06.2015 solli

### AKT GJYKIM

APROVOHET kërkesa e Prokurorisë Themelore në Ferizaj PP/II.nr.733-2/14 të dt 16.02.2015, dhe gjykata jep këtë:

### URDHËR NDËSHKIMOR

I akuzuari [REDAKTUAR] nga fshati [REDAKTUAR] Komuna Ferizaj i lindur me [REDAKTUAR], në të njëjtin vend, nga i ati [REDAKTUAR], shqiptar, shtetas i Republikës së Kosovës, ka të kryer shkollën e mesme, me profesion zdruktur, i gjendjes së mesme ekonomike, me numër personal të letërnjoftimit [REDAKTUAR], mbrohet në liri,

### ËSHTË FAJTOR

Sepse me dt.13.03.2014 rreth orës 22:10, min.në fshatin Talinocë i Muhaxherëve, Komuna Ferizaj, duke drejtuar veturën e markës "VW Golf", me targë të regjistrimit [REDAKTUAR] duke vepëruar në kundërshtim me dispozitat e nenit 42/1 të LSKRR, nga pakujdesia ka ndërmar veprimin e tejkalimit pa u bindur më parë se me një veprim të tillë mundë ti pengoj pjesëmarrësit e tjerë në komunikacion, me të cilin rast e godet në pjesën e pasme veturën e markës "Nisan Trade" me targa [REDAKTUAR], të cilin e drejtonte [REDAKTUAR] nga Firajë Komuna Shtërpçë, me të cilin rast pos dëmeve materiale në të dy veturat lëndime të lehta trupore pëson pasagjeri [REDAKTUAR] nga fshati [REDAKTUAR] Komuna Ferizaj,-

- me të cilën kreu veprën penale rrezikimi i trafikut publik nga neni 378 par pik 6 lidhur me par.1 të KPRK-së

- Andaj gjykata në bazë të neneve 4, 7, 17, 41, 43, 46 dhe 73 të KPK-së dhe neneve 365 e 495 të KPPK-së i shqipton

### DËNIM ME GJOBË

Të akuzuarin [REDAKTUAR] i shqiptoi dënimin në shumën prej 200 € (dyqind Euro), të cilën shumë i akuzuari obligohet ta paguaj në afat prej 15 ditësh, nga dita e plotfuqishmërisë së këtij aktgjykimit.

Nëse dënimi me gjobë nuk mund të ekzekutohet në format tjera sipas nenit 46 par.3 të KPK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Gjykata të dëmtuarin [REDAKTUAR] nga fshati [REDAKTUAR] Komuna Ferizaj, për realizimin e kërkesës pasuroro-juridike i udhëzon në udhëzuar në kontest civil.

Obligohet i pandehuri që në emër të shpenzimeve procedural 55,77 € dhe paushallit gjyqësor të paguaj shumën prej 20 €, në afat prej 15 ditëve, nën kërcënimin e përbarimit të dhunshëm.

### A r s y e t i m

Prokuroria Themelore në Ferizaj me aktakuzën PP/II.nr.733-2/14 të dt 16.02.2015, ka akuzuar [REDAKTUAR], nga fshati [REDAKTUAR] Komuna Ferizaj, për veprën penale rrezikimi i trafikut publik nga neni 378 par pik 6 lidhur me par.1 të KPRK-së dhe të njëjtën ditë ka parashtruar kërkesën për dhënien e urdhërit ndëshkimor kundër të akuzuarit me arsyen se ka prova të besueshme që vërtetojnë kryerjen e kësaj vepre penale nga i njëjti.

Gjykata gjatë shqyrtimit paraprak të aktakuzës dhe kërkesës për dhënien e urdhërit ndëshkimor, në vështrim të nenit 414 par.1 të KPK-së, gjeti se janë plotësuar kushtet ligjore për aprovimin e kërkesës për dhënien e urdhërit ndëshkimor.

Nga provat materiale të bashkëngjitura në shkresat e lëndës gjyqtari ka lexuar ekspertizen e ekspertit mjeko ligjor i datës 06.11.2014, konstatimi i ekspertit të komunikacionit i datës 23.11.2014, inxh.i komunikacionit [REDAKTUAR] ka konstatuar se aksidenit është shkaktuar për shkak të lëshimeve primare të ngasësit [REDAKTUAR] nga fshati [REDAKTUAR] Komuna Ferizaj dhe nga shiqimi i i fotografive që gjinden në shkresat e lëndës ka konstatuar se këto prova janë të bazuara dhe bindëse, sepse vërtetojnë që i akuzuari e ka kryer veprën penale për të cilën akuzohet, andaj gjykata e shpalli fajtor dhe i shqiptoi dënimin me gjobë si në dispozitiv të këtij aktgjykimi.

Gjykata konformë nenit 463 parag.1 lidhur me par 3.të KPPK-së të dëmtuarin [REDAKTUAR] nga fshati [REDAKTUAR] Komuna Ferizaj, për realizimin e kërkesës pasuroro-juridike është udhëzuar në kontest civil.


Konformë nenit 450 par.2.6 të KPPK-së obligohet i pandehuri që në emër të shpenzimeve gjyqësore të paguaj shumën prej 55,77 €uro, si dhe paushallin gjyqësor në shumën prej 20 €, në afat prej 15 ditëve nga dita e plotëfuqishmërisë së këtij aktgjykimi.

Nga sa u tha më lart është vendosur si në dispozitiv të këtij aktgjykimi.

### GJYKATA THEMELORE NË FERIZAJ P.nr.241/2015 i dt.22.06.2015

Asistenti  
Muedin Rexhepi

Gjyqtari  
Adem Shabani



#### UDHËZIM JURIDIK:

Kudër këtij aktgjykimi lejohet kundërshtimi në afat prej 8 ditësh, nga dita e pranimit të dërgesës së njëjtë, gjyqtarit të vetëm gjykues të kësaj gjykate, përmes kësaj gjykate. Pas skadimit të afatit të lejuar për kundërshtim, urdhëri ndëshkimor bëhet i plotëfuqishëm dhe ekzekutohet dënimi i shqiptuar.